



**«ԻՆՏԵՐԱԿՏԻՎ ԿՐԹՈՒԹՅԱՆ  
ՉԱՐԳԱՑՈՒՄ»  
ՀԻՄՆԱԴՐԱՄ**



**ՀԵՐԹԱԿԱՆ ԱՏԵՍՏԱԿՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2022**

**ՀԵՏԱՉՈՏԱԿԱՆ ԱՇԽԱՏԱՆՔ**

**ԹԵՄԱ`** <<Մեծ Հայքի Բագրատունյաց թագավորությունը>> թեմայի ուսումնասիրման առանձնահատկությունները հիմնական դպրոցում

**ԱՌԱՐԿԱ`** Հայոց պատմություն

**Հեղինակ`** Լիլյա Մանյան

**ՄԱՐԶ`** Լոռի

**Ուսումնական հաստատություն`** Ծաթերի հիմնական դպրոց

## ԲՈՎԱՆԴԱԿՈՒԹՅՈՒՆ

Ներածություն	3
Գլուխ 1. Բազրատունիների ժամանակաշրջանի իշխանությունը	
Բաժին1. Բազրատունյաց թագավորության կառավարման կենտրոնական մարմինները	6
Բաժին2. Բազրատունյաց թագավորության առանձնահատկությունները	7
Բաժին 3. Արքունի գործակալությունները և բանակը	10
Գլուխ 2. Բազրատունյաց եկեղեցին և տնտեսությունը	
Բաժին 1. Եկեղեցի-պետություն փոխհարաբերությունները	11
Բաժին 2. Գյուղատնտեսությունը և ավատատիրական հողատիրությունը	14
Գլուխ 3. «Մեծ Հայքի Բազրատունյաց թագավորությունը» թեմայի ուսուցման կազմակերպման գործընթացի արդյունավետ պայմանները հիմնական դպրոցում:	
Բաժին 1. «Մեծ Հայքի Բազրատունյաց թագավորությունը» թեմայի ուսուցման առանձնահատկությունները հիմնական դպրոցում	14
Եզրակացություն	22
Գրականության ցանկ	24

## ՆԵՐԱԾՈՒԹՅՈՒՆ

**Թեմայի արդիականության հիմնավորումը, նպատակը եվ խնդիրները:** Հայ ժողովրդի պատմության մեջ Բագրատունիների թագավորության կառավարման ժամանակաշրջանը այն կարևորագույն թեմաներից է, որին պետք է անընդհատ անդրադարձ կատարել: Դարերի հեռվից լուսաբանելով այս ժամանակաշրջանը, մենք համոզվում ենք, որ ինչպես այն ժամանակ, այնպես էլ մեր օրերում միայն միասնականությունը, համախմբվածությունը և զենքի ուժը կօգնի մեր ժողովրդին իր դիրքերն ամուր պահպանել աշխարհաքաղաքական այս բարդ իրավիճակում:

IX դ. վերջերին հայ ժողովրդին հաջողվեց վերականգնել իր պետական անկախությունը Բագրատունիների գլխավորությամբ: Դրա համար առկա էին և՛ ներքին, և՛ արտաքին նախադրյալներ: Արտաքին գործոնների շարքում կարևորվում էր հատկապես Արաբական խալիֆայության թուլացումը: Ընդ որում պետք է ի նկատի ունենալ, որ Աշոտ Ա Բագրատունու կառավարման տարիներին Հայաստանի ներքին կյանքը նկատելիորեն կայունացավ: Նրան հաջողվեց համախմբել երկրի ռազմաքաղաքական և տնտեսական կարողություններն ու ձեռնամուխ լինել Հայաստանի պետականության վերականգնմանը:

Արաբական խալիֆայության թուլացմանը զուգահեռ հայ իշխանական տներն ընդարձակում էին իրենց տիրույթները: Դա կատարվում էր ինչպես նոր տարածքներ ձեռք բերելու, այնպես էլ՝ լքված ու խոպան հողերը մշակելի դարձնելու միջոցով: Սա հանգեցնում էր ավատատիրական հողերը մշակելի դարձնելու միջոցով: Սա հանգեցնում էր ավատատիրական խոշոր հողատիրության ձևավորմանը:

Արաբական տիրապետության ժամանակաշրջանում Հայաստանում գերիշխող պայմանական հողատիրությունն աստիճանաբար իր տեղը զիջում էր ժառանգականին: Եվ հենց դրա շնորհիվ էլ հայ իշխանական տները, տնտեսական կամ ռազմական առումով ուժեղանալով, ինքնուրույնանալու միտումներ էին դրսևորում: Ընդ որում այդ ներքին տեղաշարժերը հանգիստ ու հանդարտ չէին ընթանում: Դրանք հանգեցնում էին իշխանական տների կողմում փոփոխությունների՝ որոշ իշխանական տներ թուլանում

էին և ասպարեզից հեռանում, իսկ որոշ իշխանական տներ էլ, ընդհակառակը, զորեղացել էին և երկրի կյանքում կարևոր դերակատարություն ունեին:

Թեմայի լուսաբանումն ունի գիտական, քաղաքական և գիտաճանաչողական կարևոր նշանակություն, հատկապես մեր օրերում, երբ թուրք-ադրբեջանական պատմագիտության մեջ պատմական իրողությունների նենգափոխմամբ մերժվում է Հայոց միջնադարյան պետականության գոյությունը: Այս առումով հայագիտության համար Հայոց պետականությանը վերաբերող յուրաքանչյուր աշխատանք առանձնակի կարևորություն է ստանում:

**Հետազոտության նպատակն է** ուսումնասիրել «Մեծ Հայքի Բագրատունյաց թագավորությունը» թեմայի ուսուցման գործընթացի արդյունավետ մանկավարժական պայմանները հիմնական դպրոցում:

**Հետազոտության խնդիրներն են .**

1. Ներկայացնել Բագրատունյաց արքայատոհմի դերը հայոց պետականության վերականգնման և ամրապնդման գործում
2. Լուսաբանել պետական կառավարման կենտրոնական մարմինների դերը և նշանակությունը
3. Ներկայացնել արքունի գործակալությունների գործառույթները և եկեղեցին՝ որպես ազգապահպան օղակ
4. Ընդգծել Բագրատունիների գործունեության արդյունքում վերելք ապրող տնտեսությունը
5. Ներկայացնել «Մեծ Հայքի Բագրատունյաց թագավորությունը» թեմայի ուսուցման գործընթացի արդյունավետ պայմանները:

Իմ կարծիքով Բագրատունյաց թագավորության պատմությունը հայ ժողովրդի պատմություն կարևորագույն թեմանից մեկն է, որի դասավանդումը աշակերտներին հնարավորություն կտա ծանոթանալ դարաշրջանին, դրա ընթացքում անկախության համար մղված պայքարին, անկախության ձևավորմանն ու թագավորության հզորացմանը: Միաժամանակ մատուցված նյութի և ներկայիս ժամանակաշրջանի համանմանությունն էլ հնարավորություն է տալիս թեման ավելի հասկանալի ու հետաքրքիր դարձնել աշակերտների համար: Մեր օրերում դպրոցի կարևորագույն

Խնդիրներից է դաստիարակել իր պատմությանը քաջատեղյակ սերունդ, որ կարողանան  
անցյալի սխալներից դասեր քաղել և հետագայում ճիշտ կողմնորոշվել:

# ԳԼՈՒԽ 1. ԲԱԳՐԱՏՈՒՆԻՆԵՐԻ ԺԱՄԱՆԱԿԱՇՐՋԱՆԻ ԻՇԽԱՆՈՒԹՅՈՒՆԸ

## **Բաժին 1. Բագրատունյաց թագավորության կառավարման կենտրոնական մարմինները**

Ֆեոդալական տիպի պետության զարգացման գործընթացում կան որոշակի առանձնահատկություններ: Վաղ ֆեոդալական հասարակարգին համապատասխանել է կենտրոնացված ուժեղ իշխանությունը: Զարգացած ֆեոդալիզմի կամ ֆեոդալական մասնատվածության շրջանում գերիշխող է եղել պետական կառավարման ապակենտրոնացված, դասային ներկայացուցչական միապետությունը: Ֆեոդալիզմի պատմության վերջին փուլում՝ 15-16-րդ դդ.՝ Արևմտյան Եվրոպայի երկրներում, 17-18-րդ դդ.՝ Ռուսաստանում ֆեոդալական հասարակության ընդերքում նոր, բուրժուական սոցիալ-տնտեսական հարաբերությունների ծագման և զարգացման նախադրյալներով արդեն իշխող է դառնում բացարձակ միապետությունը:

Հայաստանում այս օրինաչափությունները խախտվել են: Պատճառը՝ հայկական պետականության մերթընդմերթ կրկնվող, երբեմն մի քանի դարյա ընդհատումները, օտար տիրապետության ներքո անցնելով՝ բնականոն զարգացման օրինաչափություններից շեղումներն են եղել [3, էջ 114]:

Արքունիքը գտնվում էր երկրի մայրաքաղաքում՝ Անիում: Կառավարման կենտրոնական համակարգում որոշ փոփոխություններով վերականգնվեցին երբեմնի գործակալությունները:

«Իշխանաց իշխանի» պաշտոնը Բագրատունյաց Հայաստանը ժառանգեց արաբական ժամանակաշրջանից, սակայն այժմ նրա բնույթն այլ էր: Եթե արաբական շրջանի իշխանաց իշխանը ոստիկանի փոխանորդն էր, իսկ իրականում Հայաստանի կառավարիչը, ապա Բագրատունյաց շրջանում այն հիշեցնում էր Արշակունյաց ժամանակաշրջանի հազարապետին: «Իշխանաց իշխանը գլխավորում էր Հայաստանի բոլոր իշխաններին: Նրան էին ենթարկվում գավառապետ բերդապահ իշխանները, քաղաքապետերը և վերջիններիս օգնական շուկայի հսկիչները (մուսիթասիբները): Նա էր կառավարում երկրի հարկերի հավաքման գործը: Ամեն մի նահանգի իխան ինքն էր նշանակում հարկահաններին, որոնց հավաքած գումարը հասցնում էին մայրաքաղաք՝

արքունի գանձարան»: Պատերազմի դեպքում նա սպարապետի հետ միասին գլխավորում էր հայոց զորքը: Ամեն մի իշխան կամ տեղական թագավոր ընդհանրապես ուներ իր գունդը (կամ գնդերը)՝ հատուկ դրոշով և զինանշանով: Առաջին Բագրատունիների օրոք բոլոր սպարապետները թագավորական ընտանիքից էին, հետագայում սպարապետներ են հանդես գալիս տարբեր իշխանական տներից, ինչպես օրինակ Մարզպետունիներից, Պահլավունիներից:

Թագադիր ասպետի պաշտոնը (որն Արշակունյաց շրջանում հենց Բագրատունիներն էին վարում) բացակայում էր, քանի որ ինչպես տեսանք, այս ժամանակաշրջանում Հայոց կաթողիկոսն էր թագադրման ժամանակ թագը դնում նորընձա տիրակալի գլխին: Դատավարության գործակալությունը նախկինի պես պատկանում էր կաթողիկոսին: Նա էր գլխավոր դատավորը [4, էջ 302]:

## **Բաժին 2. Բագրատունյաց թագավորության առանձնահատկությունները**

### **ա. Թագավորական իշխանությունը**

«Հայոց Բագրատունիների թագավորությունը կառավարման ձևով ավատատիրական միապետություն էր, որի գլուխ կանգնած Հայոց թագավորը երկրի լիիշխան տիրակալն էր՝ օժտված քաղաքական, ռազմական, դատաիրավական ու հոգևոր-եկեղեցական լայն իրավագործությամբ: Թագավորն էր տնօրինում երկրի ներքին ու արտաքին-քաղաքական գործընթացները: Նրա անձը համարվում էր սրբազան ու անձեռնամխելի»: Բագրատունյաց թագավորության պետական կառավարչությունը հիմնականում ձևավորվում է Աշոտ Ա Բագրատունու օրոք: Այդ կորովաշատ ու հեռատես արքան հաջողությամբ լուծում է պետության ներքին կյանքին, զինված ուժերին, արտաքին քաղաքականությանը, մշակույթին, դատաիրավական և հոգևոր-եկեղեցական ոլորտներին առնչվող խնդիրները՝ ցուցաբերելով պետական գործչի մեծ կարողություն: Նպատակասլաց ջանքերով Աշոտ Ա-ն դրեց Հայոց միասնական պետականության, քաղաքական անկախության հիմքերը: Նա ստորակայական կապերի միջոցով ապահովեց երկրի միասնությունը և, իր շուրջը համախմբելով իշխաններին, մեղմացրեց նրանց կենտրոնախույս նկրտումները: Աշոտ Ա-ն ստեղծեց Հայաստանի, Վրաստանի և Աղվանքի իշխանների համադաշինք՝ այն ամրապնդելով

նազմաքաղաքական զորակցությամբ: Երկրի անկախության հիմքերը դնելուց հետո նա ձեռնամուխ եղավ պետական բարեփոխությունների իրագործմանը: Սմբատ Ա-ի օրոք վերջնականապես ձևավորվեց թագավորության կառավարման համակարգը [1, էջ 174]:

Բագրատունյաց թագավորությունը սկզբում բաղկացած էր կիսանկախ իշխանություններից, որոնց տիրակալներն ունեին սեփական զորք, հողատիրույթներ և դատաիրավական համակարգ: Ձևավորվում էր ավատատիրական աստիճանակարգությունը, և գերակա-ստորակայական հարաբերությունները ստանում են աստիճանակարգային բնույթ: Աշոտ Ա-ի և Սմբատ Ա-ի օրոք վրաց Բագրատունիները ստորակայական կախվածության մեջ էին Հայոց թագավորներից: Կոստանդին Ծիրանածինն Աշոտ Ա-ին դիտում է որպես «արևելքի բոլոր շրջանների տիրակալ»՝ նկատի ունենալով քրիստոնյա Արևելքը: Հովհաննես Դրասխանակերտցին Սմբատ Ա-ին կոչում է «բոլորից արևելեայցս գլխաւոր»: Այդպիսով՝ ավատատիրական աստիճանակարգում առաջին տեղը զբաղեցնում էր Հայոց թագավորը, երկրորդ աստիճանում՝ Ատրներսեհ բագրատունին: Վերջինս պարտավոր էր անհրաժեշտության դեպքում զորքով օգնել Հայոց թագավորին:

Երրորդ աստիճանում Հայոց թագավորից կախման մեջ գտնվողներն Արծրունի և Սյունյաց գաբերեց իշխաններն էին, որոնց ստորադրյալները՝ գագակալ իշխանները, զբաղեցնում էին չորրորդ տեղը: Վերջին՝ հինգերորդ աստիճանում մանր ազատանին էր, որից համալրվում էր գանհերեց իշխանների այրուձին: Սմբատ Ա-ի հաջորդների օրոք Հայոց թագավորները Խալիֆայության կողմից ճանաչվեցին Հայաստանի տեղական տիրակալների նկատմամբ «շատ շատեր»: Ասողիկը գրում է, որ Աշոտ Բ թագավորը Բյուզանդիայից «դառնայ յաշխարհս մեր, և գտանէ զճառայս Հօր իւրոյ թագաւորեալ. զինքն անուանեաց Շահնշահե, այսինքն՝ թագաւորաց թագաւոր»: Վարդան Արևելցու (Վարդան Վարդապետ - խմբ.) վկայությամբ Աշոտ Երկաթը հնազանդեցրեց թագավոր հռչակված սպարապետ Աշոտին՝ Շապուհի որդուն, ու Վասպուրականի Գագիկ թագավորին, իշխաններին և «կոչեցաւ ի վերայ նոցա Շահնշահ»:

«XI-XIV դդ. Կիլիկյան Հայաստանն իր հասարակական-քաղաքական և տնտեսական մակարդակով զարգացած ավատապետություն էր: Հիմնականում զարգանալով մայր Հայաստանի ավատատիրական կարգերի ավանդույթների հիման



վրա՝ Կիլիկյան Հայաստանի հասարակական և պետական կարգը որոշ չափով կրել է նաև բյուզանդական ու արևմտաեվրոպական պետությունների ազդեցությունը, որն արտահայտվում էր հատկապես կառավարման մարմինների անվանումներում (գունդստաբլ, դուկ, կապիտան, կիր, կոմս, մարաջախտ, պարոն, պոռքսիմոս, ջամբոայ, կանցլեր, սենեսկալ և այլն)»: [5, էջ 412]

Հայոց թագավորը, որպես պետության գլուխ և երկրի գերագույն տեր, օժտված էր բացառիկ իրավունքներով ու առանձնաշնորհումներով: Թագավորն ինքնակալորեն ղեկավարում էր արտաքին հարաբերությունները, գլխավորում բանակը, պատերազմ հայտարարում, հաշտություն և պայմանագրեր կնքում, դեսպանություններ ընդունում և ուղարկում, օրենքներ հրապարակում, դրամ հատում, հիմնում քաղաքներ ու բերդեր, մաքսեր գանձում ներմուծվող ապրանքներից, լուծում համապետական այլ կարևորագույն հարցեր: Նա իր մշտական դեսպաններն ուներ Բյուզանդիայում, Անգլիայում, Ֆրանսիայում, Գերմանիայում, Եգիպտոսում, Մոնղոլիայում և այլ պետություններում:

Նա էր օրենսդիր իշխանության աղբյուրը, երկրի գլխավոր դատավորը: Բագրատունի արքաների դատաստանական լայն իրավագործությունը մեծացնում էր նրանց հեղինակությունը, կասեցնում իշխանների կենտրոնախույս քայլերը: Թովմա Արծրունու Անանուն շարունակողը Վասպուրականի Գագիկ թագավորին բնութագրում է որպես «իրաւանց և դատաստանաց արդարով կշռիչ»: Պետական առաջին աստիճանի դատարան էր Սսի արքեպիսկոպոսական ատյանը, որը ջանցլերի նախագահությամբ քննում էր բարձրադաս հոգևորականների, ինչպես նաև օտարերկրացիների վեճերն ու հանցագործությունները: Պետական առաջին ատյանի դատարան էր նաև պայլի ատյանը, որը Սսում գլխավորում էր արքունի պայլը, թագավորական քաղաքներում՝ գունդստաբլ դուկը, Այաս նավահանգստում՝ կապիտանը:

Բագրատունի և տեղական թագավորներն ունեին ժամանակին համահունչ պալատական շքակարգ: Բագրատունի թագավորները կրում էին «մարգարտախուռն թագ»: Տեղական թագավորները ևս թագ էին կրում [2, էջ 365]:

### **Բաժին 3. Արքունի գործակալությունները և բանակը**

Բագրատունի թագավորները, բնականաբար, ի վիճակի չէին անմիջաբար տնօրինելու պետության գործերը, լուծելու նրա առջև ծառայած շատ խնդիրներ: Երկի կառավարումը ճկուն ու լիարժեք դարձնելու համար արքունիքում ստեղծված էին հատուկ պաշտոններ: Պաշտոնը կոչվում էր «գործ», իսկ պաշտոնյան՝ «գործակալ», որից և «գործակալութիւն» արտահայտությունը: «Գործակալներ» էին կոչվում նաև մանր պաշտոնյաները: Գլխավոր գործակալությունների գլուխ էին կանգնած նշանավոր տոհմերի ներկայացուցիչները: Արքունի կարևորագույն պաշտոնյաներն էին իշանաց իշխանը, սպարապետը, մարզպանը, հազարապետը ըր արքունի գանձարանապետը [3, էջ 204]:

Իշխանաց իշխանի պաշտոնը հիմնականում վարում էին Բագրատունի թագավորների ժառանգները: Իշխանաց իշխանը երկրորդ դեմքն էր թագավորությունում: Նա թագավորի շուրջ էր համախմբում իշխաններին, հարկ եղած դեպքերում պատժում անհնազանդներին: Աշոտ Ա-ի որդի Սմբատ Ա-ն մինչև թագավորելը «իշխան իշխանացն Հայոց էր», իսկ նրա գահակալման տարիներին իշխանաց իշխանի պաշտոնը վարում էր եղբայրը՝ Դավիթը:

Իշխանաց իշխան նշանակելիս կատարում էին հատուկ արարողություն: Աշոտ Բ-ն իշխանաց իշխան կարգվելիս օժտվեց «գեղեցիկ զարդուք և զինուք և պերճապաճոյճ երանգս զգեստուց, և կամար ականակապ ընդ մէջ ածեալ» [4, էջ 305]:

Բագրատունիների Հայոց թագավորությունում հիշվում է նաև մարզպանի պաշտոնը: Ըստ երևույթին այն վարողը զբաղվում էր գավառներին առնչվող աշխարհիկ ու եկեղեցական խնդիրներով: Նա էր կարգավորում գավառների միջև ծագած վիճահարույց հարցերը: Այս պաշտոնը սովորաբար տրվում էր մյուս տոհմերից սերած իշխաններին՝ նրանց միջոցով գավառակալ իշխաններին և նրանց զորուժը համախմբելու և արքունիքի հետ կապելու համար: Այդ նպատակով Ամբատ Ա-ն հայոց մարզպան է կարգում Վասպուրականի գահերեց Գագիկ Արծրունու եղբորը [3, էջ 198-199]:

## ԳԼՈՒԽ 2. ԲԱԳՐԱՏՈՒՆՅԱՑ ԵԿԵՂԵՑԻՆ ԵՎ ՏՆՏԵՍՈՒԹՅՈՒՆԸ

### Բաժին 1. Եկեղեցի-պետություն փոխհարաբերությունները

IX դարի առաջին կեսը ծանր ժամանակաշրջան էր թե՛ երկրի, թե՛ հայոց եկեղեցու համար: Կաթողիկոս Հովհաննես Դ Օվայեցու մահվանից հետո (855թ.)՝ նույն թվականին Սմբատ Սպարապետի հրամանով Շիրակավանում հրավիրում է եպիսկոպոսների ժողով, որը կաթողիկոս է ընտրում Զաքարիա Ա Ձագեցուն: Զաքարիա Ա Ձագեցու օրոք հայոց եկեղեցին սատարում է Աշոտ Բագրատունու համակենտրոնացնող քաղաքականությունը: Այն միավորում էր երկրի՝ որպես ազգային մեկ ընդհանրություն՝ դյուրացնելով հայոց պետականության վերականգնումը: 858թ. աքսորից վերադարձած կեղծուրաց հայ իշխանները Զաքարիա Ա Ձագեցու օգնությամբ վերադառնում են քրիստոնեության գիրկը: Թեև իսլամը մահավճիռ էր նախատեսում այդ կրոնն ուրացողների նկատմամբ, սակայն տվյալ իրավիճակում դա բացառվում է շնորհիվ Հայաստանի աճող հզորության և ինքնուրույնության:

Կաթողիկոսը եռանդուն աջակցում է Աշոտ Բագրատունու քաղաքական ջանքերին, նպաստում նրա շուրջ հայ իշխանների համախմբմանը [2, էջ 536]:

«862թ. Կ. Պոլսի Փոտ պատրիարքը հռոմեադավան և հունադավան եկեղեցիների միջև հարաբերությունների սրման պայմաններում ջանում է դաշնակից ձեռք բերել՝ ի դեմս հայոց եկեղեցու և նրա առաջնորդի»: Ինչպես վերը նշվել է, նա թղթով դիմում է Զաքարիա Ա Ձագեցուն՝ նրան համարելով Թադեոս առաքյալի ու Գրիգոր Լուսավորչի Աթոռի ժառանգորդ, սակայն միաբնակությունը դիտում է իբրև հերձված: Զաքարիա Ա Ձագեցին չի ընդառաջում Փոտ պատրիարքին և մերժում է նրա առաջադրած հավատո դրույթները: Աշոտ Բագրատունին Շիրակավանում 862թ. ժողով է հրավիրում, որտեղ որոշվում է գրավոր պատասխան տալ պատրիարքին: Ժողովը մերժում է քաղկեդոնականությունը և նրանով զորացած նեստորականության սկզբունքները, ազդարարում հայոց եկեղեցու հավատարմությունն առաջին երեք տիեզերաժողովների հաստատած դավանությանը: Պատասխանում հիմնավորվում է հայոց եկեղեցու դավանաբանական դիրքորոշումը, որը բխում էր Եփեսոսի 431թ. ժողովի որոշումներից

և Կյուրեղ Ալեքսանդրացու սահմանած հավատո սկզբունքներից: Նաև մերժվում է Եվտիքեսի ծայրահեղ միաբնակությունը:

«Կաթողիկոսը հաջողությամբ հարթում է նաև իր և Սևանա վանքի վանահայր Մաշտոցի (հետագայում՝ կաթողիկոս) միջև ծագած կնճիռները: Վերջինս առանց նրա գիտության շփման մեջ է մտնում քաղկեդոնականների հետ, ուստի կաթողիկոսը սպառնում է բանադրել նրան: Վեճը լուծվում է խաղաղությամբ: Գեորգ Բ Գառնեցին 885թ. գլխավորում է Աշոտ Ա-ի թագադրման ծիսահանդեսը, օրհնում նրա թագը»: Կաթողիկոսի և Աշոտ Ա-ի համագործակցությունը շարունակվում է նաև հետագայում: 890թ. մահվան մահճին գամված թագավորն իր մոտ է հրավիրում նրան և թագավորական գանձարանից առատ միջոցներ հատկացնում եկեղեցու կարիքների համար [1, էջ 119]:

Գեորգ Բ Գառնեցին կատարում է նաև Սմբատ Ա-ի թագօրհները և ըստ ամենայնի սատարում նրան: Նույն ժամանակ Մուհամիդ խալիֆան Ատրպատականի ոստիկան Աֆրինի միջոցով թագ է ուղարկում Սմբատ Ա-ին: Կաթողիկոսը Շիրակավանի Ս. Փրկիչ եկեղեցում վերստին օրհնում է նրան՝ «Եղ ի գլուխ զթագ թագավորութեան»: Աբաս սպարապետը չի հանդուրժում դա: Նա իր կողմնակիցների օգնությամբ ջանում է գահընկեց անել Գեորգ Բ Գառնեցուն և այդպիսով ի դերև հանել թագի նկատմամբ Սմբատ Ա-ի իրավունքը, որը սրբագործվել էր կաթողիկոսի ձեռքով: Աբասը փորձում է դա ի կատար ածել հոգևոր վերնախավում մեծ հեղինակություն վայելող Սևանի վանքի առաջնորդ Մաշտոցի միջոցով՝ նրան խոստանալով կաթողիկոսական գահը: Սակայն վերջինս չի զայթակղվում և մերժում է նրա առաջարկը: ավելին՝ Մաշտոցին հաջողվում է Աբասին համոզել ենթարկվել եղբորը: Քանի որ Դվինի 893թ. ավերիչ երկրաշարժի ժամանակ ավերվում են նաև քաղաքի վանքերն ու եկեղեցիները և կաթողիկոսարանը, Գևորգ Բ Գառնեցին տեղափոխվում է Զվարթնոց եկեղեցի [4, էջ 254]:

«Հաջորդ տարի Ատրպատականի Աֆշին ոստիկանը ներխուժում է Հայաստան և գրավում Նախճավանը: Բագրատունյաց թագավորության դեմ ոստիկանի կողմից պատերազմ սանձազերծելը կանխելու նպատակով Գեորգ Բ Գառնեցին մեկնում է նրա մոտ, սակայն ձերբակալվում է: Երկու ամիս անց նա ազատ է արձակվում շնորհիվ հայ իշխանների մուծած փրկավճարի: Կյանքի վերջին տարում Գեորգ Բ Գառնեցին փորձում

է վերջ տալ Արծրունի եղբայրներ Աշոտի, Գագիկի և Գուրգենի դեմ այդ տոհմի երկրորդական ճյուղի պարագլուխ Գագիկ ապումրվանի լարած դավերին: Նա 897թ. ժամանում է Վասպուրական, որտեղ էլ նույն թվականի ամռանը կնքում է իր մահկանացուն և թաղվում՝ Վանի մոտ՝ Ձորովանքում»: 897թ. հունիսի 18-ին կաթողիկոս է ընտրվում վերոհիշյալ Մաշտոց եղվարդեցին, որը գահակալում է ընդամենը 7 ամիս: Նա ավարտում է հայոց եկեղեցու ծեսերն ու արարողությունները բովանդակող ժողովածուն՝ «Մաշտոց ծիսարանը» և էականորեն նպաստում հայոց եկեղեցու ծիսավանդական ինքնուրույնության պահպանմանը: Մաշտոց եղվարդեցուն 898թ. Սմբատ Ա-ի կամքով հաջորդում է նրա ազգական աշակերտը՝ պատմագիր Հովհաննես Ե Դրասխանակերտցին, որի օրոք երկրով, ինչպես նշվել է, կաթողիկոսը՝ որպես միջնորդ, երկու անգամ գնում է Ատրպատականի ոստիկան Յուսուֆ Սաջյանի մոտ՝ կամենալով նրան հաշտեցնել Սմբատ Ա-ի հետ: Սակայն ոստիկանը 909թ. բանտ է նետում նրան: Փախուստով ազատվելով՝ կաթողիկոսը հեռանում է հայոց Աղվանք, իսկ այնտեղից անցնում Վրաստան՝ Ատրնեսեսի թագավորի մոտ: Այնտեղ նա Կ. Պոլսի Նիկողայոս պատրիարքից 915թ. նամակ է ստանում: Նամակում ցավակցություն էր հայտնվում Հայաստանի գլխին պայթած արհավիրքների առնչությամբ: Նույն ժամանակ պատրիարքը նամակներ է ուղարկում նաև Սմբատ Ա-ին:

Հովհաննես Դրասխանակերտցին 915թ. ժամանում է Տարոն գավառ, որտեղից նամակ է ուղարկում Կոստանդին Ծիրանաձին կայսրին և խնդրում զորակցել Հայաստանին՝ առանց դավանաբանական խնդիրներ արձարծելու: Կայսրն իր մոտ է հրավիրում Աշոտ Բ թագավորին ու կաթողիկոսին: Սակայն վերջինս հրաժարվում է Կ. Պոլսի մեկնելուց, որպեսզի չկասկածվի քաղկեդոնականությանը հարելու մեջ: Նա Տարոնից ժամանում է Դարանաղի գավառում գտնվող Սեպուհ լեռան ճգնավորների մոտ՝ Մանյա Այր, որտեղ ժամանակին ճգնել էր Գրիգոր Լուսավորիչը: Այնտեղ անցկացնելով ինը ամիս՝ Դրասխանակերտցին մեկնում է Այրարատ, ջանում օժանդակել երկրի միասնության վերականգնմանը, ապարդյուն փորձում Աշոտ Երկաթին հաշտեցնել նրա հորեղբայր Շապուհի որդի Աշոտի հետ, որին Յուսուֆը թագ էր ուղարկել: Կաթողիկոսը նաև փորձում է համոզել Աշոտ Երկաթին հաշտվել Յուսուֆ ոստիկանի հետ: Երբ Աշոտ Երկաթը դաշնագիր է կնքում Յուսուֆին հաջորդած Սրուբ

ուստիկանի հետ, դա կաթողիկոսին Դվինի կաթողիկոսարանը վերականգնելու և այնտեղ վերադառնալու հույսեր է ներշնչում: Բայց Յուսուֆի օրոք Դվինի կաթողիկոսարանն ավերված էր, իսկ Ս. Գրիգոր Մայր եկեղեցու կողքին կառուցվել էր մզկիթ:

## **Բաժին 2. Գյուղատնտեսությունը և ավատատիրական հողատիրությունը**

IX-XI դդ. Հայաստանի պետական և տնտեսական կյանքի հիմքը երկրագործությունն ու անասնապահությունն էին [3, էջ 203 ]: Հիմնական արտադրողը գյուղական բնակչությունն էր, որը միավորված էր գյուղական համայնքներում: Պարբերաբար կատարվում էր հողաբաժանում՝ ըստ ծխերի (բաժանվում էին սոսկ մշակելի հողերը): Ներհամայնքային գործերը վարում էր գյուղի ծերերի ժողովում ընտրվող գեղջավագը: Անկախ պետականության ու խաղաղության պայմաններում հնարավոր է դառնում ընդարձակել մշակելի հողերը: Վճռական նշանակություն ուներ ոռոգման ցանցի ընդլայնումը: X դ. Սյունիքում, Վասպուրականում, Շիրակում (Անի քաղաքին հարող շրջանում) և այլուր անց են կացվում ջրանցքներ:

## **ԳԼՈՒԽ 3**

### **«ՄԵԾ ՀԱՅՔԻ ԲԱԳՐԱՏՈՒՆՅԱՑ ԹԱԳԱՎՈՐՈՒԹՅՈՒՆԸ» ԹԵՄԱՅԻ ՈՒՍՈՒՑՄԱՆ ԿԱԶՄԱԿԵՐՊՄԱՆ ԳՈՐԾԸՆԹԱՅԸ ՀԻՄՆԱԿԱՆ ԴՊՐՈՑՈՒՄ**

#### **Բաժին 1. «Մեծ Հայքի Բագրատունյաց թագավորությունը» թեմայի ուսուցման առանձնահատկությունները**

Հիմնական դպրոցի սովորողների կողմից «Մեծ Հայքի Բագրատունյաց թագավորությունը» թեմայի ուսումնասիրությունն իրանացվում է յոթերորդ դասարանում: Ելնելով թեմայի առանձնահատկություններից, ժամանակակից պահանջներից, ինչպես նաև սովորողների հետաքրքրվածությունից՝ կարող ենք եզրահանգել, որ անհրաժեշտ են նոր մոտեցումներ այդ գործընթացի կազմակերպման համար: Ժամանակակից տեխնոլոգիաների կիրառումը դասապրոցեսի ընթացքում օգնում աշակերտներին ավելի լայն պատկերացում կազմել տվյալ ժամանակաշրջանի վերաբերյալ:

Ստորև ներկայացնում ենք «Մեծ Հայքի Բագրատունիների թագավորությունը» թեմայի ուսուցման գործընթացի իրականացման դասի պլանի օրինակ:

Դասարանը \_\_\_\_\_ 7-րդ \_\_\_\_\_ ամսաթիվը \_\_\_\_\_

Ուսուցիչը Մանյան Լիլյա

Առարկան Հայոց պատմություն

1. **Դասի թեման** \_\_\_\_\_ Հայաստանի անկախության վերականգնումն ու ամրապնդումը

### **Հիմնական հարցերը**

- Բագրատունյաց թագավորության ջանքերը, անկախության վերականգնման ու ամրապնդման համար
- Ժամանակաշրջանի կառավարման կենտրոնական մարմինները
- Բագրատունյաց ժամանակաշրջանի արքունի գործակալությունները,
- Բագրատունյաց եկեղեցին և տնտեսությունը
- Ժամանակաշրջանի պատմական ձեռքբերումները:

2. **Դասի նպատակը**

Բագրատունյաց դինաստիայի ժամանակաշրջանի լուսաբանումն ունի գիտական, քաղաքական և գիտաճանաչողական կարևոր նշանակություն, հատկապես մեր օրերում, երբ թուրք-ադրբեջանական պատմագիտության մեջ պատմական իրողությունների նենգափոխմամբ մերժվում է Հայոց միջնադարյան պետականության գոյությունը: Այս առումով հայագիտության համար Հայոց պետականությանը վերաբերող յուրաքանչյուր աշխատանք առանձնակի կարևորություն է ստանում: «Հայաստանի անկախության վերականգնումն ու ամրապնդումը» թեմայի նպատակներն են.

- Ձեռք բերել գիտելիքներ Մեծ Հայքի Բագրատունյաց թագավորության ժամանակաշրջանում հայկական քաղաքակրթության զարգացման ընթացքի և առանձնահատկությունների, ակնառու պատմական գործիչների մասին:
- Համեմատել Բագրատունյաց թագավորության ժամանակաշրջանի պատմական և հասարակական կարևոր փաստերը, իրադարձությունները, կարծիք հայտնել դրանց արդյունքների ու հետևանքների վերաբերյալ:
- Հասկանալ և արժևորել Բագրատունյաց թագավորության և ներկայիս ժամանակաշրջանի միջև եղած աղերսները՝ կարևորել պատմական փաստերին ու իրողություններին լրջությամբ վերաբերվելն ու արժևորելը:
- Այս ամենի հիման վրա ձևավորել ու զարգացնել վերլուծական, քննադատական և ստեղծագործական մտածողություն. աշակերտներին խրախուսել և

զարգացնել նոր նյութի ընկալման ինքնարտահայտման և ինքնուրույն աշխատելու կարողությունները:

### 3. **Դասի խնդիրները**

#### ***ա) Կրթական (ակադեմիական)***

- գիտելիք
- Ներկայացնել Հայաստանի քաղաքական կյանքում Բազրատունյաց արքայատոհմի դերակատարությունը:
- Լուսաբանել պետական կառավարման կենտրոնական մարմինների դերը և նշանակությունը:
- Ներկայացնել եկեղեցին որպես ազգապահպան օղակ:
- Տարբերակել պետականության վերականգնման ներքին և արտաքին նախադրյալները:
  - հմտություն
- Ձևավորել Բազրատունյաց թագավորության պատմական փաստերի ճանաչման հմտություններ:
- Հնարավորինս նպաստել պատմական մտածողության զարգացմանը:

#### ***բ) Դաստիարակչական***

- արժեքներ
- Կարևորել Բազրատունյաց թագավորության դերը պատմական ժամանակաշրջանի համար:
- Երեխաներին դեռևս այդ տարիքում բացատրել սեփական պատմության իմացության կարևորությունը:
  - Վերաբերմունք
- Երեխաների մոտ ձևավորել սեփական պատմության նկատմամբ հպարտության և արժանապատվության զգացում:
- Չուզադրել այս կամ այն պատմիչների, պատբանների աշխատություններն ու ունենալ սեփական, ուրույն կարծիքը անառարկելի, վիճահարույց հարցերի շուրջ:
- Մեծացնել Բազրատունյաց թագավորության նկատմամբ աշակերտների հետաքրքրվածության մակարդակը:

#### ***գ) Չարգացման***

- մտածողություն



- ժամանակաշրջանը և Բագրատունիների արքայատոհմի պատմությունը ներկայացնել հնարավորինս մանրամասն՝ առաջացնելով աշակերտների հետաքրքրասիրությունը, որից հետո կապահովվի հետադարձ կապը ուսուցչի և աշակերտի միջև. աշակերտները կսկսեն հարցեր ուղղել ուսուցչին:
- երևակայություն
- Պատմական փաստերի մատուցումը զուգակցել հետաքրքիր փաստերի, իրադարձությունների հաղորդմամբ, ինչը կշարժի աշակերտների երևակայությունը:
- հիշողություն և ուշադրություն
- Թվական տվյալները ներկայացնելիս կապեր ստեղծել ներկայիս իրադարձությունների կամ յուրաքանչյուր աշակերտի համար կարևոր որևէ իրադարձության հետ:
- Չարգացնել ուշադրությունը կենտրոնացնելու հմտությունները
- զգացումներ, հույզեր, ապրումներ
- Այդ շրջանի պատմության թե՛ փառավոր և թե՛ ողբալի իրադարձությունները ներկայացնելիս դրանց վրա սևեռել աշակերտների ուշադրությունը: Դա կունենա մեկ պարզ նպատակ. չկրկնել անցյալի սխալները և կամ էլ անցյալի փառավոր ոգով նախապատրաստվել գալիք փորձություններին:

#### 4. **Ուսուցման միջոցները (ուսումնադիտողական պարագաներ)**

ա) դասագիրք

Հայոց պատմության 7-րդ դասարանի դասագիրք

բ) ուսումնական նյութեր

Քարտեզ, պաստառ, կաչուն թերթիկներ, գունավոր մարկերներ, համակարգիչ, տետր

#### 5. **Ներառարկայական և միջառարկայական կապեր**

Կապեր ստեղծել պատմական այլ ժամանակաշրջանների հետ, կատարել համեմատություններ: Միջառարկայական կապ կարելի է ստեղծել հետևյալ առարկաների հետ.

- **Համաշխարհային պատմություն** – Մեծ Հայքի և Բյուզանդիայի, Արաբական խալիֆայության հարաբերությունների ներկայացման համատեքստում (նանավոր դեմքեր, դեպքեր ու իրադարձություններ):

- **Աշխարհագրություն** – Բազրատունյաց թագավորության, Արաբական խալիֆայության պատմական տարածքներին համընկնող երկրներն ու բնակիչները այսօր, քարտեզի տվյալները նախկինում և այժմ:
- **Հասարակագիտություն** – «Մարդ-ընտանիք-համայնք-հասարակություն» շղթայի իրացում:
- **Հայոց լեզու և գրականություն** – պատմական փաստերի ու շրջանների շուրջ պատմական ավանդազրույցներ, այս կամ այն գործիչին նվիրված ստեղծագործություններ, պատմավեպեր:
- **Նախնական գինվորական պատրաստվածություն** – մարտավարության կանոններ, զենքերի տեսակներ:

## 6. Դասատիպեր

Համակցված-խառը դասատիպ

## 7. Ուսուցման մեթոդներ, հնարներ

- Երկխոսության մեթոդ, մտազրոհ (խթանման փուլ)

Աշակերտների օգնությամբ պարզել ժամանակաշրջանը, հիշել արքայատոհմի ներկայացուցիչներին, գրել անունները կաշուն թերթիկների վրա և փակցնել «Բազրատունյաց արքայատոհմ» ծառին:

- Չրույցի մեթոդ, ոչ ծավալուն դասախոսություն (իմաստի ընկալման փուլ)
- Ծրագրավորված մեթոդ (իմաստի ընկալման փուլ)

Էկրանին ցույց տալ Բազրատունյաց Հայաստանի տարածական պատկերը և հետագա փոփոխությունները (տեսողական ընկալման միջոցով տարածական փաստերը ավելի կտպավորվեն երեխաների հիշողության մեջ):

- Համագործակցային խմբերի ձևավորում (Կշռադատման փուլ)

Դասարանը բաժանել մի քանի խմբի: Յուրաքանչյուր խումբ պետք է ներկայացնի իրենց կողմից առանձնացված որևէ կարևոր իրադարձություն և արժևորի դրա կարևորությունը:

## 8. Դասի փուլերը և ընթացքը

ա) Կազմակերպչական աշխատանքներ

Նախապես պատրաստել «Բազրատունյաց արքայատոհմ» ծառը: Ընտրել հարմար քարտեզ:

- ❖ Կատարել սովորողների հաշվառում:
- ❖ Անցնել աշակերտների ուշադրության կենտրոնացմանը և նրանց նախապատրաստել իրենց իսկ միջոցով նոր նյութի բացատրմանը:

- ❖ Սահուն անցում կատարել Բագրատունյաց թագավորության թեմային՝ ապահովելով անկաշկանդ, բայց խաղաղ մթնոլորտ:
- բ) Անցած նյութի հարցում և վերջնարդյունքների պարզում
- ❖ Ամփոփել «Չայկական մշակույթը 5-9-րդ դարերում» գլուխը, հարց ու պատասխան մեթոդը կիրառել և ստուգել աշակերտների տեղեկացվածության ու հիշողության մակարդակը:
  - ❖ Չետադարձ կապի պահպանման միջոցով հայտորոշել դասարանի պատրաստվածության մակարդակը, շտկել թերացումներն ու անցնել առաջ:
- գ) Անցում նոր նյութի ուսումնասիրմանը
- ❖ Առաջին հերթին աշակերտներին ներկայացվում է վերը բերված նպատակակետերն ու առանձնացված հիմնական խնդիրները:
  - ❖ Անպայմանորեն անցած նյութի հետ աղերսների ստեղծում, որպեսզի աշակերտները ևս մեկ անգամ վերհիշեն անցածը, ամրապնդեն իրենց գիտելիքները ու ավելացնեն նորերը:
  - ❖ Մատուցել նոր նյութը. ի՞նչ ժամանակաշրջանի մասին է խոսքը, ովքե՞ր էին Բագրատունիները, ի՞նչ քայլեր ձեռնարկեցին երկրի անկախության ապահովման համար, անկախության համար մղված պայքարի ի՞նչ դրսևորումներ ի հայտ եկան, արքայատոհմն ի՞նչ իշխանություն ուներ հարակից շրջաններում, ինչպե՞ս անկում ապրեց և այլ զանազան հարցերի անդրադառնալ:
- դ) Նոր նյութի ընկալում և ըմբռնում
- ❖ Ամբողջական պատկերացում տալ Բագրատունիների արքայատոհմի, անկախության ձևավորման նախապայմանների, թագավորության հզորացման և անկման մասին:
  - ❖ Դասագրքի միջոցով աշակերտներին ներկայացված տեղեկության հետ միաժամանակ կարևորել լրացուցիչ նյութերի դերը: Առաջի հերթին դա կմատուցվի ուսուցչի կողմից, աշակերտներին էլ կտրվեն փոքրիկ հանձնարարականներ որպես ինքնուրույն աշխատանքներ յուրաքանչյուրին մեկական թագավորի կամ իշխանի մասին հետաքրքրի պատմական փաստեր ներկայացնելու մասով:
  - ❖ Դասարանը բաժանել խմբերի ու խմբերի միջոցով ներկայացնել Չայաստանի, Արաբական խալիֆայության և Բյուզանդական կայսրության միջև ստեղծված դիվանագիտական հարաբերությունները:

ե) Նոր նյութի ամրապնդում և իմաստավորում

- ❖ Բագրատունյաց թագավորների գահակալությանը նախորդող արքայատոհմերի իշխանության և նրանց իշխանության համեմատություն:
- ❖ Աշխատանքային տեղերում գրել Բագրատունյաց թագավորության հետ կապված կարևոր թվականները և տեղի ունեցած
- ❖ Միջառարկայական կապի շրջանակներում զուգահեռներ կանցկացվեն Բագրատունյաց թագավորության և օտարազգի թագավորների արքունական գործունեությունների համատեքստում:
- ❖ Կատարել տեքստի ուղղակի վերարտադրություններ: Աշակերտները կկարդան որոշակի հատվածներ ու իրենց անհասականալի հարցերը կուղղեն, կծավալվի քննարկում, ու հարցերը կստանան իրենց պատասխանները:

զ) Նոր նյութի յուրացում

- ❖ Կատարել թեմայի ընդհանրացում,անդրադառնալ նոր անուններ, հասկացություններ բաժնին
- ❖ Աշակերտներին հնարավորություն տալ իրենց կողմից հիշարժան դարձած հատվածը վերապատմել:
- ❖ Անդրադառնալ աշակերտներին հուզող հացերին, որից հետո միայն նրանց հանձնարարել նոր դասը յուրացնել հաջորդ դասին ներկայացնելու համար:

Համակցված դասը կառուցվածքային առումով դասի թերևս ամենաճկուն տեսակն է, որը թույլ է տալիս մեկ դասաժամի ընթացքում լուծել միաժամանակ մի քանի խնդիրներ, մասնավորապես գիտելիքների ստուգում, նոր նյութի հաղորդում, ուսուցանվող թեմայի շուրջ մեթոդների կիրառում և որոշակի աշխատանքների կազմակերպում: Շատ կարևոր է նաև նոր նյութի մատուցումը կապակցել, համեմատականներ անցկացնել նախորդ թեմաների հետ, քանի որ նոր թեմայի յուրացումը ավելի արդյունավետ է դառնում, երբ այն կապակցում են արդեն ծանոթ թեմաների հետ, շատ կարևոր են նաև թեմատիկ ընթերցանությունները:

Ուսումնասիրվող թեմայի նկատմամբ հետաքրքրությունը բարձրացնելու համար կարելի է օգտագործել քարտեզներ, թեմատիկ պաստառներ, հետաքրքիր սահիկաշարեր և ներկայացնել լրացուցիչ նյութեր թեմայի վերաբերյալ: Կարևոր է նաև

աշակերտների ներգրավումը թեմատիկ նյութերի պատրաստմանը, քանի որ նրանք մեծ ոգևորությամբ են մասնակցում այդ ամենին:

Աշակերտներին գնահատելիս պետք է կարևորել նրանց կարծիքը, դիրքորոշումը և վերաբերմունքը թեմայի վերաբերյալ, մեծ նշանակություն ունի նաև նրանց ստեղծագործական մոտեցումները գնահատելը:

## ԵԶՐԱԿԱՑՈՒԹՅՈՒՆ

Ուսումնասիրելով զանազան աղբյուրներ, եկել եմ այն եզրակացության, որ Բագրատունի իշխանական տունն ունի հայկական ծագում, բացի այդ Բագրատունի իշխանական տան ներկայացուցիչները մշտապես ներգրավված են եղել Հայաստանի ներքաղաքական կյանքի տարբեր բնագավառներում: Անգամ Հայաստանի սահմաններից դուրս լինելով հանդերձ պահպանել են իրենց հայկական արմատները և ձգտել պետականության վերականգնմանը:

Ակնհայտ է դառնում, որ Բագրատունի թագավորների և նրանց ենթակաների միջև փոխհարաբերություններն այնքան էլ հարթ չեն եղել, և ենթակա պաշտոնյաները ձգտել են ինքնուրույնություն դրսևորել, դրան ի պատասխան Բագրատունիները նոր իշխանական տներ են ասպարեզ բերել՝ ձգտելով ամրապնդել սեփական իշխանությունը:

Արքունի գործակալություններից յուրաքանչյուրը, իր առջև դրված խնդիրները հաղթահարելով, նպաստում էր պետականաշինարարությանը, դե իսկ մարտական բանակը, որը համարվում է ուժեղ և ամուր պետության գրավականը, իրեն լիովին արդարացնում էր:

Կարող ենք ենթադրել, որ հայ եկեղեցու ողջ գործունեությունը՝ այդ թվում Բագրատունիների ժամանակաշրջանում, սոսկ կրոնական կազմակերպության հարց չէ, այլ ունի համահայկական ընդգրկուն նշանակություն, բացի այդ ունի նաև մշակութային և ազգապահպան նշանակություն:

Իմ կատարած անդրադարձը դեպի պատմական ակունքներ ևս մեկ անգամ փաստում է բազմադարյա պատմություն, հզոր պետություն ունենալու հիմքերը և իհարկե այդ ամենի ժառանգորդ լինելը: Պատմության յուրաքանչյուր փուլում մենք ունեցել ենք և՛ հաղթանակներ, և՛ պարտություններ, սակայն այդ ամենը մեզ չի կանգնեցրել, մենք շարժվել ենք առաջ և փաստել. «Ով հայ ժողովուրդ, քո միակ փրկությունը քո հավաքական ուժի մեջ է»:

«Մեծ Հայքի Բագրատունյաց թագավորությունը» թեման ուսումնասիրելիս անհրաժեշտ է առաջնորդվել հետևյալ սկզբունքներով.

1. Ուսուցանվող նյութը դարձնել հնարավորինս հետաքրքիր՝ կիրառելով տարբեր մեթոդներ և չսահմանափակվել միայն դասագրքի նյութով:
2. Անհրաժեշտ է ներկայացնել և համեմատել տվյալ ժամանակաշրջանի պատմական և հասարակական կարևոր փաստերը, երևույթները, իրադարձությունները, արդյունքներն ու հետևանքները, հետևություններ անել հայոց և համաշխարհային պատմական իրադարձությունների փոխկապակցվածության վերաբերյալ, կապեր գտնել արդի պատմական գործընթացներում առկա կարևոր իրադարձությունների և երևույթների հետ:
3. Ներկայացնել և արժևորել Մեծ Հայքի Բագրատունյաց թագավորության քաղաքակրթական ժառանգությունը հայոց և համաշխարհային մշակույթի համատեքստում, փորձել համեմատել տվյալ ժամանակաշրջանի և հայոց այլ քաղաքակրթական ձեռքբերումների հետ, գիտակցել ձեռքբերումների յուրացման ու հաջորդ սերունդներին դրանց փոխանցման անհրաժեշտությունը:
4. Փորձել կապեր գտնել Մեծ Հայքի Բագրատունյաց թագավորության ու արդի գործընթացների և զարգացումների միջև, ներկայացնել պատմական փորձի և ձեռքբերումների յուրացման ու հաջորդ սերունդներին դրանց փոխանցման անհրաժեշտությունը:
5. Դասի պլան կազմելիս կարևոր է դասի նպատակի հստակ ձևակերպումը: Դասի բովանդակությունը պետք է համապատասխանի նպատակին և աշակերտների պատրաստավածության մակարդակին: Դասապրոցեսում սովորողների առավելագույն ինքնուրույնությունը, դասի ժամանակ անհատական, խմբային աշխատանքների տարբեր ձևերի համադրումը նպաստում են նպատակի իրականացմանը: Այս գիտելիքներով, հմտություններով, արժեքներով օժտված աշակերտները դառնում են պատասխանատու և ինքնավստահ քաղաքացիներ, ովքեր գիտեն՝ ով են, որտեղից են գալիս և ուր են գնում:

## ԳՐԱԿԱՆՈՒԹՅԱՆ ՑԱՆԿ

1. Ասլանյան Ա., Հայաստանի պետության և իրավունքի պատմություն, Երևան, 2009, 219 էջ:
2. Բարխուդարյան Վ. և ուրիշներ, Հայոց պատմություն, Հատոր 2, Միջին դարեր (IV–XVII դդ.-ի առաջին կես), Զանգակ հրատարակչություն, Երևան, 2014, 769 էջ:
3. Մաթևոսյան Ռ., Բագրատունյաց Հայաստանի պետական կառուցվածքն ու վարչական կարգը, Երևան, 1990, 296 էջ:
4. Յովհաննու կաթողիկոսի Դրասխանակերտցոյ Պատմութիւն Հայոց, Թիֆլիս, 1912, 397 էջ:
5. Սիմոնյան Ռ., Հայոց պատմություն, Երևան, 2000, 874 էջ: